

VENDIM
Nr. 455, datë 9.7.2014

**PËR SHPRONËSIMIN, PËR INTERES PUBLIK, TË PRONARËVE TË PASURIVE TË
PALUAJTSHME, PRONË PRIVATE, QË PREKEN NGA RIKONSTRUKSIONI I RRUGËS
“AJASËM”, NË BASHKINË E SHKODRËS**

Në mbështetje të nenit 100 të Kushtetutës dhe të neneve 5, pika 1, 20 e 21, të ligjit nr. 8561, datë 22.12.1999, “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e ministrit të Punëve të Brendshme, Këshilli i Ministrave

VENDOSI:

1. Shpronësimin, për interes publik, të pronarëve të pasurive të paluajtshme, pronë private, që preken nga rikonstruksioni i rrugës “Ajasëm”, në bashkinë e Shkodrës, sipas tabelës që i bashkëlidhet këtij vendimi.
 2. Shpronësimi të bëhet në favor të bashkisë së Shkodrës.
 3. Pronarët e pasurive të paluajtshme që shpronësohen, të kompensohen, për sipërfaqen 508 (pesëqind e tetë) m² truall, në vlerën 4 743 196 (katër milionë e shtatëqind e dyzet e tre mijë e njëqind e nëntëdhjetë e gjashtë) lekë.
 4. Vlera e përgjithshme e shpronësimit, prej 4 743 196 (katër milionë e shtatëqind e dyzet e tre mijë e njëqind e nëntëdhjetë e gjashtë) lekësh, të përballohet nga të ardhurat e bashkisë së Shkodrës, planifikuar në buxhetin e saj.
 5. Vlera e shpenzimeve procedurale të përballohet nga bashkia e Shkodrës.
 6. Afati i fillimit të shpronësimit të jetë 14.7.2014.
 7. Regjistrimi i ri i pasurisë për sipërfaqen 508 (pesëqind e tetë) m² truall të bëhet në favor të bashkisë së Shkodrës.
 8. Afati i përfundimit të punimeve të objektit në bashkinë e Shkodrës të jetë në përputhje me afatet e parashikuara nga kjo bashki.
 9. Ngarkohen Ministria e Punëve të Brendshme dhe bashkia e Shkodrës për zbatimin e këtij vendimi.
- Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Edi Rama

LISTA EMËRORE E PERSONAVE DHE PRONAVE QË DO TË SHPRONËSOHEN PËR

RIKONSTRUKSIONIN E RRUGËS "AJASËM" TË BASHKISË SHKODËR

Nr.	Familja që shpronësohet	Zona kadastrale	Nr. i pasurisë	Sip.truallit/m ² shpronësohet	Çmimi lek/m ²	Vlera lekë	Dokument pronësie
1	Saimë Muja	8597	14/163	508	9 337	4 743 196	Vërtetim pronësie
2	Fitim Muja						Vërtetim pronësie
3	Besnik Muja						Vërtetim pronësie
4	Arianit Muja						Vërtetim pronësie
5	Astrit Muja						Vërtetim pronësie
6	Vladrin Muja						Vërtetim pronësie
7	Genc Muja						Vërtetim pronësie
	Shuma totale					4 743 196	